

❖ **YMESTYN FY NGHALON**

O Dduw, ymestyn fy nghalon  
fel y bydd yn ddigon llydan  
i dderbyn mawredd dy gariad di.

Ymestyn fy nghalon  
er mwyn i mi fedru derbyn iddi bawb drwy'r byd  
sy'n credu yn Iesu Grist.

Ymestyn fy nghalon  
er mwyn i mi dderbyn y rhai nad ydynt yn ei adnabod,  
gan fy mod, o'i adnabod ef, yn gyfrifol amdanynt.

Ymestyn fy nghalon  
er mwyn i mi dderbyn iddi  
y rhai nad ydynt yn ddymunol yn fy ngolwg,  
a'r rhai nad wyf am gyffwrdd â'u dwylo;  
yn enw Iesu, fy Ngwardwr,  
a ddaeth i garu a chyffwrdd â phawb.

❖ **YN BOBL BAROD IDDO**

Diolchwn i ti, O Arglwydd, am roi i ni dy Fab Iesu Grist,  
a ddaeth atom yn ostyngedig yn nhlodi Bethlehem.

Wrth i ni baratoi i ddathlu ei eni,  
glanha ein calonnau a'n bywydau  
er mwyn i ni allu ei groesawu'n llawen  
yn Waredwr ein bywyd,  
a phan ddaw mewn gogoniant  
y byddwn yn bobl barod iddo ef,  
sy'n byw ac yn teyrnasu gyda thi a'r Ysbryd Glân  
byth heb ddiwedd.

**Enid Morgan**